

իջանք Աւաջուղի (Գոգ—Հովիտ) բարձրութիւնից և մտանք Թայլաբարայ գեղեցիկ Հովիտը։ Աւերջինքն էր օրուայ\*) երբ մենք ձիերը կանգնացրել էինք խանի դռանը։ Խանը ինձ ընդունեց իւր արեւելեան ճաշակով զարդարուած դիւանխանումը։ Դիւանխանի մաքրութիւնը ինքնին ցոյց էր տալիս, որ նորա տէրը ցէղով տարբերվում էր թաթար խաներից։ Չախ անկիւնում ինքն էր նստած փափուկ գահոյկի վերայ, իսկ աջը ինձ շնորհեց։ Ընդունելութեան համար մի քանի քաղաքավարական խօսքերից զկնի, որոնք համեմած էին սուրճով, խանը սկսեց իւր աջ ծնօտի վերայ եղած վէրքի տանջանքներից գանգատվել, որ իւր աւաղակ ազգականները պատժելիս էր ստացել։ Այդ վերքը պատճառել էր մի հրացանի գնդակ, որ ջախջախել էր համարեայ ամբողջ ծնօտը։ Խանը թղթի մէջ փաթաթած մի կոյտ ոսկոռ ցոյց տուեց, որ երկու տարուայ ընթացքումը թափել էին նորա ծնօտից։ Նորա մէջն էին ատամները և մի մեծ կտոր, որ պարսիկ հեքիմը (բժիշկ) սղոցել էր կզակից, բայց

---

\*) Աւանայ բարձառի մէջ օրը բաժանված է մի քանի մասերի, որոնց անուններն են. «Աղօթարանի բացում», արշալոյս, «Ակրաստ», նախաճաշելու ժամանակ, «Ճաշք», ճաշելու ժամանակ կէս օր, «Աւերջինք», վերջնալոյս, «Իրիկուն», երեկոյ։